

Nd.

## 241. Nefndarálit

um frumv. til 1. um embættisbústaði héraðsdómara.

Frá allsherjarnefnd.

Nefndin hefur athugað þetta mál og fellst á ástæður flutningsmanns fyrir því, að þörf sé á, að þessir embættismenn þjóðarinnar fái góða og haganlega bústaði og skrifstofur. Þrír nefndarmenn, Ásmundur Sigurðsson, Gunnar Thoroddsen og Stefán Jóh. Stefánsson, hafa nokkra sérstöðu um málið. Nefndin leggur til, að frumv. verði samþykkt með eftirfarandi

### BREYTINGUM.

1. Við 1. gr. Greinin orðist þannig:

Ríkisstjórnin skal, þar til fullnægt er húsnæðisþörf héraðsdómara utan Reykjavíkur, láta byggja eða kaupa, eftir því sem fé er veitt til þess í fjárlögum, 1—2 íbúðarhús á ári handa héraðsdómurum, enda sé þar rúm fyrir skrifstofur þeirra, skjalasafn o. s. frv. — Byggingarnar skal gera eftir teikningum, er ráðherra hefur samþykkt. Byggingum skal haga í samræmi við húsnæðisþörf og aðstæður á hverjum stað, og skal vandað til staðarvals og byggingarlóða. Þar skal fyrst byggja, er þörfin er mest að dómi ráðherra.

Ráðherra getur ákveðið, að byggja megi embættisskrifstofur og íbúðarhús hvort í sinu lagi.

2. Við 3. gr. Fyrri málsgrein falli burt.

3. Á eftir 3. gr. komi ný grein, er verður 4. gr., svo hljóðandi:

Lög þessi öðlast þegar gildi.

Alþingi, 27. nóv. 1945.

Garðar Þorsteinsson, form.	Stefán Jóh. Stefánsson, fundaskr., með fyrirvara.	Jörundur Brynjólfsson, frsm.
Gunnar Thoroddsen, með fyrirvara.	Ásmundur Sigurðsson, með fyrirvara.	